



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

LXVI. Decreta pro Provincia Argentina Minorum Conventualium.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

approbatum, & confirmatum cum ulteriori etiam dispositione quod nempe Officinam Custodiatum non caderet in eam partem, seu Districtum, in quo actu esset Minister Provincialis, & quod unicuique dictarum partium, seu Districtuum duo vota in Diffinitorio pariter alternatim assignarentur, prout in ipsis Literis Apostolicis latius continetur; Nos qui ex Decreti, & Brevis prædictorum observantia, optatam pacem, & tranquillitatem hæcenus Provinciam consecutam fuisse, & tandiu consecuturam quamdiu eadem observantia firma, & illæsa persistat, certiores sumus, & cupientes quantum ex Nobis est, eam in suo robore manutenere, & conservare, auctoritate qua fungimur Protectoris vobis omnibus, & singulis in virtute S. Obedientiæ districtè præcipimus, & mandamus, ne sub quovis prætextu, aut quæsito colore, directe, vel indirecte contra Decreti Capituli Provincialis, & Brevis Apostolici prædicti dispositionem, & tenorem, aliquid innovare, aut attentare præsumatis, non solum sub pœna nullitatis omnium actorum, sed insuper sub pœnis contra inobedientes, contumaces, & rebelles in Statutis Ordinis præscriptis, aliisque arbitrio nostro, & pro tempore existentis Protectoris infligendis, ad quas in casu contraventionis inviolabiliter procedemus. Non obstantibus &c. Romæ 24. Maji 1687. A. Cardinalis Cybo Protector. Cum autem sicut eadem expositio subjungebat dictus Antonius Maria Minister Provincialis Decretum hujusmodi, quo firmius subsistat, & servetur exactius Apostolicæ confirmationis nostræ robore communiri plurimum desideret, Nos ipsius Antonii Mariæ Ministri Provincialis votis hac in re quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis Sententiis, Censuris, & pœnis a Jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, ac supradictarum Urbani prædecessoris Literarum tenorem præsentibus pro plene, & sufficienter expressis, & inserto habentes, Decretum præinsertum a memorato Alderano Episcopo Cardinale, & Protectore editum, ut præfertur, cum omnibus, & singulis in eo contentis, & expressis auctoritate Apostolica tenore præsentium approbamus, & confirmamus, illisque inviolabilis Apostolicæ firmitatis robur adjicimus, ac omnes, & singulos Juris, & facti defectus, si qui desuper quomodolibet intervenerint supplemus.

Confirmatum fuit re-
latum De-
cretum.

Clausula.

§. 2. Decernentes eadem præsentibus Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit Provinciæ, & Ordinis præfatorum, etiam juramento, confirmatione Apostolica, vel quavis firmitate alia roboratis, statutis, & consuetudinibus, Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis,

ac ad verbum insertis habentes, illis alias in suo robore permaneris, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque. Datum Romæ apud S. Mariam Majorem sub Annulo Piscatoris die 12. Junii 1687. Pontificatus Nostri Anno Undecimo.

§. 4. Cum autem sicut dilectus filius modernus Minister Provincialis Provinciæ supradictæ Nobis nuper exponi fecit, ipse præmissa, quo firmius subsistat, & inviolabilis serventur, Apostolicæ confirmationis nostræ robore communiri summopere desideret: Nos specialem ipsi moderno Ministro Provinciali gratiam facere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati, præinsertas Innocentii prædecessoris Literas, omniaque, & singula in eis contenta, auctoritate Apostolica tenore præsentium approbamus, & confirmamus, illique inviolabilis & irrefragabilis Apostolicæ firmitatis robur, & efficaciam adjungimus, ipsasque Literas ab illis ad quos spectat, & pro tempore quodcumque spectabit, inconcussa observari præcipimus, & mandamus.

Preces Mini-
stri Provin-
cialis.

Confirmatio
relata Con-
stitutionis.

Clausula.

§. 5. Decernentes pariter ipsas præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit, in omnibus, & per omnia plenissime suffragari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate, scienter, vel ignoranter, contigerit attentari.

§. 6. Non obstantibus Constitutionibus, & Ordinationibus Apostolicis, necnon omnibus, & singulis illis, quæ in præinsertis Innocentii prædecessoris literis concessa sunt non obstare, cæterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die VII. Januarii MDCXCVI. Pontif. nostri Anno Quinto.

Confirmantur Decreta Generalis Fratrum Minorum Sancti Francisci Conventualium, & aliud Card. Protectoris pro Provincia Argentina.

XLVI.

Infra suis locis laudantur plures Constitutiones, & Capitula Constitutionum. Alex. VIII. Constitut. ed. 1690. Apr. 5. P. 1. extant quedam Decreta Capituli Gen. Et hujus Pontificis Const. ed. 1699. Maji 16. P. 8. agitur de primatu inter Definitores, & Provinciales Titulares.

INNOCENTIUS PAPA XII.
Ad futuram rei memoriam.

Dat. 20. Jan.
1696. An. 5.

Nuper pro parte dilectorum filiorum Fratrum Provinciæ Argentinæ Ordinis Minorum Sancti Francisci Conventualium nuncupatorum Congregationi venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositæ exposito, quod alias videlicet an. 1692. a tunc existente Ministro Generali dicti Ordinis

Infrequentia
Decreta con-
firmata fuere
in Capitulo
Provinciali,
& proposita
Congregat.
Reg.

in vifitatione per eum facta Provinciae hujusmodi nonnulla Decreta, quae ipse pro felici, prosperoque ejusdem Provinciae regimine necessaria, & utilia judicaverat, edita, & successively in Capitulo Provinciali ipsius Provinciae in Oppido Civitate nuncupat. Lucernae die 21. Novembris ejusdem anni celebrato publicata fuerant, tenoris, qui sequitur videlicet.

Decreta
praedicta.

Inter plurimas nostri muneris causas, quibus animi nostri sollicitudo incumbere debet ea est praecipua, ut Regulae, & Const. Ordinis quarum observantiam juravimus, Sanctissimae Leges, quae a Sacrosanctae Romanae Sedis auctoritate, divino assistente spiritu Apostolica sunt confirmatione munitae per universas Seraphicae nostrae Religionis Provincias ab omnibus inviolabiliter observentur, & earum directione suavissimo Christi jugo cuncti sacri nostri Ordinis Religiosi Caput submittentes, vitae Evangelicae inhaerentes, vestigijs Ecclesiasticae disciplinae, ac regularis observantiae zelo ea quae fas est humilitate, tanquam primogeniti S. Patris Francisci filii reddantur insignes. Hoc excitati motivo Provinciae hujus Argentinae, quam speciali cordis dilectione profequimur vifitationem aggressi non parentes laboribus, ac non pauca pro longitudine, ac asperitate itineris aequo, ac hilari animo incommoda, & pericula perpeffi officii nostri debitum exigit, ut antiquam hujus ejusdem Provinciae sanctitatem omni opere, & studio reviviscere curemus, ideo infra scripta Decreta eisdem sacris nostris Constitutionibus, & Pontificiis sanctionibus conformia statuentes, quorum exactam, & inviolabilem observantiam in virtute S. Spiritus, & ad sanctae Obedientiae meritum cunctis Prioribus, & Fratribus in hac Provincia commorantibus, seu commoraturis, sive Superioribus, sive subditis sint, sub poena etiam Divinae Indignationis praecipimus, eorumque transgressores ad tremendum Dei Tribunal rationem reddituros, citamus, earundemque notitiam in publicis Ordinum superiorum libris in unoquoque Conventu fideliter transcribi, & servari, ac semel saltem in quolibet mense in publico refectiois loco coram omnibus legi volumus, & mandamus, omnesque nostrae cura commissos Religiosos, praecipue eos, qui sacri Ordinis zelo fulgent hortamur, ut occurrente ipsorum Decretorum, vel in superioribus, vel in subditis inobservantia certiores nos faciant, ac etiam ad Illustriissimum, & Reverendissimum D. Nuntium Apostolicum juxta temporis exigentias pro eorundem pleno robore, & observantia recurrant, a quo velut Sanctae Sedis dignissimo, & piissimo Ministro, & sacro etiam nostro Ordini optime affecto, omnem assistentiam, & favorem licet sperare. Primo, quod omnes, nemine excepto cujuscumque gradus, & conditionis sint, choro, ac omnibus Ecclesiasticis exercitijs semper interesse teneantur, nec ab eis extra gravem necessitatem a Superioribus localibus agnoscentandam, & approbandam alicui permittatur exemptio, nisi Infirmis, ac impotentibus, qui a Superiore discrete, prout charitas, & necessitas exigi possint dispensari, sicut etiam, qui lectionibus, & concionibus non occupantur, ita ut omnino servetur quidquid circa hoc Sac. Const. Urbanae praescribunt in *Cap. 3. Regule Tit. 1.*, & quia magno animi nostri more orationis mentalis, ac examinis conscientiae exercitium non fieri in aliquo Conventu certiores sumus, volumus, & praecipimus, ut quotidie post Matutinum, & Completorium in choro, ubi omnes etiam laici, nisi aliquando legitime fuerint impediti, praedicta exercitia orationis mentalis, ac examinis conscientiae persolvantur ad formam *Const. in Cap. 3. Regule Tit. 20. Secundo.* Cum ex Novitiorum bona educatione optimi sperandi sint fructus, praecipimus Ministris Provincia-

De eorum
executione.

De Choro,
& Ecclesiasticis
exercitationibus.

De Magi-
stris Novi-
tiorum, &
Professorum.

libus, Guardianis, aliisque Superioribus, ne sub quovis praetextu audeant sub poena privationis officii, ac perpetuae inhabilitatis ad ipsa, & alia cujuscumque generis ipso facto incurrenda proponere, promovere, aut eligere Magistros Novitiorum ad aliquod munus, seu officium, quod ipsos impedire possit a cura, & assiduo regimine suorum Novitiorum, nec etiam ad Guardianatum praecipue in Conventibus, ubi multi fratres morantur, ut ex *Const. in Cap. 2. Regule Tit. 15.* Utque Magistri Novitiorum convenienti pro suis laboribus non careant premio, statuimus, quod postquam per annos duodecim laudabiliter suum munus expleverint, si sint Fratres non graduati, & (ut vulgo dicitur) simplices, omnes alios Patres, & Fratres non Magistros in Sac. Theologia ubique praecedant, & ultra hoc vocem quoque activam habeant in electionibus Provincialium in Capitulis, sicut Magistri, ut ex Constitutione, ut supra, & vocentur discreti perpetui juxta Decreta Diffinitoris Generalis a Sancta Sede approbata; si vero dicti Magistri Novitiorum sint quoque Magistri in Sacra Theologia, & post annos duodecim per lauream Magistralem praedictum officium laudabiliter exercuerint Patres Provinciae, & Diffinitores perpetui cum omnibus privilegijs, quibus fruuntur alii Patres Provinciae, instituuntur, ut ex Constitut. ut supra. Ipsique Magistri Novitiorum teneantur Ministrum Generalem quolibet semestri de suorum Novitiorum profectu, ac de iis, quae ad Novitiatum pertinent, certiores facere, ut ex *Const. in Cap. 2. Regule Tit. 15.* quod id observandum est de Magistris secundi Seminarii, seu Professorum, qui semper clausi sub cura alicujus Procuratoris ad hoc deputati manere debent, ut Constitutiones praescribunt. Tercio. Ad tollendum quemlibet absum, & partialitatem, ac etiam ne Conventus, in quibus sint Novitiatu nimis graventur praecipimus juxta Sac. Concilii Trid. Decreta, quod quilibet Novitius, sive ejus consanguinei aliquid conveniens juxta locorum consuetudinem ante Religionis ingressum Conventui, in quo annum probationis facere debet pro alimentis solvat, & ultra hoc lectisternium, & omnia necessaria utensilia pro suo usu deferat, & casti, quod ob paupertatem, nec ipse, nec ejus consanguinei solvere possent, si esset talis indolis, & scientiae, ut magnum Religio habitura foret laturus honorem, vel Conventus nativus, vel tota Provincia, omnia solvant, quae omnia praecipimus in *Const. in Cap. 2. Regule Tit. 13.* nec aliter a Ministris Provincialibus, aut aliis Superioribus sub poena privationis officii admitti possit quisquam ad Novitiatum, & probationem. Nihil tamen aliud praeter supradicta possint Superiores petere, aut acceptare ut ex *Const. ut supra.* Quarto. Filiationes Conventuum, quae praecedere debent admissionem ad habitum, & probationem, ut ex *Const. in Cap. 2. Regule Tit. 6.*, & aliis Pontificiis sanctionibus nullo modo fiant a Ministris Provincialibus, nec a Diffinitorio, sed solum a Patribus, & Filiis illius Conventus, cui acceptandus ad Religionem vult affiliari, ita ut a Guardiano illius Conventus assignentur prius tres termini Canonici sex dierum, quorum ultimo elapso dentur secreta suffragia ab omnibus Patribus, & filiis ejusdem Conventus etiam laicis, dummodo sint omnes Professi, sicut ab eisdem *Const.*, ut supra praescribitur, & serventur omnes aliae conditiones ab eisdem *Const.*, ut supra, & aliis Pontificiis sanctionibus praescriptae inter quas etiam est, quod nemo ad habitum, & probationem admittatur, nisi prius praecedat ejus legitima affiliatio alicui Conventui, & qualibet affiliatio aliter facta contra formam Constitutionum nullius roboris sit, & invalida, & Ministri Provincia-

De Novitijs.

De Filia-
tione Novi-
tiorum.

De translatione Filiationis.

De Paternitatibus Cœnobiorum.

De Visitatione Ministerii Provincialis.

De privatione Guardianorum.

les, seu alii Superiores, & Diffinitores qui auctoritatem ipsimet debitam affiliandi usurparent in pœnam privationis suorum officiorum, & vocis activæ, & passivæ ipso facto incurrant, ad quam nisi a Sancta Sede possint reintegrari. Quinto. Filiationum Conventuum translationes ad alios Conventus, ut præcipiunt *Constitut. in Cap. 6. Regule Tit. 2.* non admittantur, etsi convenientia, aut necessitas hoc exigeret, non possit hoc fieri, nisi juxta Decretum Sac. Congregationis emanatum, obtenta scilicet prius licentia in scriptis a Ministro Generali, & servatis aliis de Jure servandis accedente scilicet consensu utriusque Conventus, & per secreta suffragia danda a Patribus, & filiis Conventus, ut supra, aliter translatio nulla sit, & invalida. Sexto. Circa Paternitates Conventuum nemo ad ipsas possit admitti, nisi juxta præscriptum sacræ Constit. ita quod omnes Sacræ Theologiæ Magistri, statim ac laurea sunt decorati, absque alia electione, eo ipso intelligantur, & sint Priores illius Conventus, cui sunt affiliati, aliorum autem Patrum, qui non sunt Magistri electio non ad Diffinitorium Provinciae, nec ad Ministerium Provinciale, sed solum ad Capitulum Conventus, ita quod Patres illius Conventus per secreta suffragia eligere debent eum, qui Paternitatis illius Conventus titulo frui cupit, ut præscribunt *S. Constit. in Cap. 6. Regule Tit. 2.*, & quamlibet electionem aliter facta irritam esse volumus, & invalidam, confirmatio vero electionis Patrum Conventus in Conventibus insignioribus ad Ministerium Generale spectat, & in aliis vero Conventibus ad Ministerium Provinciale, ut ex Constit. ut supra.

Septimo. Cum aliquando diuturna Ministerii Provincialis permanentia, occasione Visitationis in Conventibus antea factis temporibus magnum intulerit ipsis gravamen pro alimentis, & aliis expensis, decernimus, & statuimus, quod Ministerii Provinciales in Visitationibus, ad quas quolibet anno tenentur, in ipsis permanere nequeant, nisi quandiu urgeat necessitas, & quandiu manent in aliquo Conventu visitando semper Choro, & Refectorio ad mensam communem interesse teneantur una cum aliis Fratribus, cui Ministro Provinciali, & ejus Assistentibus omnia qua decet charitate, & urbanitate omnia necessaria suppeditentur pro alimentis dummodo tamen Choro, & Refectorio intersint, aliter Guardiani, & alii Officiales nihil subministrare debeant, & expleta Visitatione, majori qua possibile est solitudine ab eo Conventu recedant, nec nisi semel in anno visitare possint, & insignioribus Conventibus, nequeant Provinciales manere, nisi per octo, vel decem ad summum dies, in aliis vero per quatuor, aut sex, si tamen aliqua gravissima causa, aut evidenti necessitate contingeret per majus tempus in eodem Conventu morari, Nos monitos faciant exponentes causam suæ permanentiæ cum fide jurata Guardiani, & Patrum illius Conventus a quo seclusa necessitate nihil post tempus præscriptum in hoc Decreto pro Visitatione liceat illis subministrare sub pœnis arbitrio nostro reservatis. Quod idem observandum est in Visitatione Monialium, quas quolibet anno visitare tenentur, nec ad tempus, seu earum Monasteria nemo præter Superiores, occasione Visitationum accedere audeat pro Hospitio, ne Monasteria earum nimis graveantur. Octavo. Guardiani, & alii Superiores, si ob aliquod crimen, præcipue ex illis expressis in *Sac. Constit. in Cap. 8. Regule tit. primo*, privari debeant officio, hoc fiat juridice prævia formatione processus, ita quod nisi de veritate constiterit, & crimen sit aperte, & evidenter probatum, ad actum privationis non deveniatur, ut ex Constit. ut supra, aliter privatio nulla sit, & invalida, & Judi-

ces tales contra formam Constitutionum faciendes a nobis punientur pœnis nostro arbitrio reservatis.

Nono. Nullus imposterum juxta fel. mem. B. Pii V. decretum possit plusquam per triennium in eodem Conventu munere fungi Guardianatus, ut etiam ex *Constitut. in Cap. 8. Regule tit. 23* in pœnam Ministris Provincialibus, qui eos proponerent, seu eligerent privationis officii, in aliis vero Constitutionibus potest quis, licet per triennium fuerit in uno Conventu Guardianus eligi, si tamen aliquis fuerit per triennium in aliquo Conventu Guardianus, & post triennium electus fuerit in alio, potest iterum, si dignus sit ad eundem Conventum, ubi fuerit prius per triennium iterum eligi.

Decimo. In unoquoque Conventu deputentur pro administratione bonorum temporalium Officiales juxta præscriptum *Constitut. in Cap. 4. Regule tit. 2.* Ipsique Officiales instituantur juxta præscriptum earumdem Constitutionum, & servetur exacta forma ararii Conventus, in quo sub custodia trium clavium asserventur pecuniæ, & elemosynæ, tam Conventus, quam Fratrum particularium, ut præcipiunt Constitutiones.

Undecimo. In recitatione Divini Officii serventur juxta ordinem S. R. E. omnes ritus, & consuetudines, nec liceat facere Officium alicujus Sancti, nisi juxta Ordinem Breviarii Romani præter illa, quæ a S. Sedis speciali gratia sunt concessa Religioni; Unde districtè præcipimus Superioribus omnibus, & Vicariis, seu Directoribus Chori, ne imposterum ne deant recitare, nec recitari permittere nec publice, nec privatim officium Corporis Christi, aut Immaculatae Conceptionis, aut alterius Sancti in Adventu, & Quadragesima, ac aliis temporibus, in quibus non est privilegium, & talem abusum volumus esse omnino tollendum cum semper teneantur esse obedientes S. R. E. ut in Regula Seraphicus Pater præcipit dicens. *Sint semper Subditi, & Subjecti pedibus S. R. E.* Et quia ab eisdem S. Sedis liberalitate fuit auctoritate Apostolica noviter concessum nostræ Religionis Breviarium distinctum a Breviariis aliarum Religionum San. P. N. Francisci pro Fratribus, & Monialibus nostræ curæ subjectis, cujus usus adhuc non est in ista Provincia introductus, præcipimus Ministro Provinciali, ut statim unicuique Conventui provideat expensis Conventus de Breviario nostræ Religionis concessio, quod est impressum Venetiis, Typis Balleonii.

Duodecimo. Quoniam scientiæ, & doctrinæ summopere Sacri Ordinis honori conferunt, ut in hac quoque Provincia, quæ olim plurimis abundabat viris egregiis in concionibus, & facultatibus Philosophicis, & Theologicis antiquus reviviscat splendor omnino præcipimus, quod in promotionibus lector. in Studiis solo Dei, & beneficii publici honore inspecto, non amicitia, & dependentia, sed meritum respiciatur, & digni, & habiles eligantur, & si Juvenes, seu Studentes juxta eorum capacitatem, & indolem collocentur in illis locis ubi valeant proficere, & sint bonæ expectationis, etiam renuentes compellantur ad exercitia Scholastica, & Ministerii Provincialis, & Guardianorum erit etiam Clericos præcipue professos, & Studentes etiam Sacerdotes exercere, vel exerceri facere persæpe in Refectorio tempore Mensæ communis in sermonibus coram Fratribus, ipsos advertendo circa defectus vocis, & gestus

Derempore Guardianatus.

De Officialibus Cœnobiorum.

De Divino Officio.

De Lectoribus, & Studentibus.

prout opus fuerit, ad hoc ut eis isto exercitio postea evadant progressu temporis boni concionatores. Et si aliquis Superior, seu Diffinitor, aut alio quovis titulo fruatur, postpositis dignioribus inhabiles promoverent ad lecturas, & studia, ipsos tanquam Religionis rebelles, & inimicos maledicimus, decernentes, quod facta promotione alicujus Lectoris ad nos mittatur notitia, & de ejus habilitate, scientia, nomine, merito, & gradu Minister Provincialis certiores nos, sua jurata fide faciat, ut promotione considerata, ipsam, si dignus fuerit confirmemus, si indignus reprobemus.

Decimotertio. Cum debeat, ut Sacrae Constit. precipiunt, mitti ab universis Provincialibus, & Superioribus earum Ministro Generali notitiae omnium Religiosorum, eorumque Crimina per processus, & Sententias judicata notificari, circa quod magnum in ista Provincia cognovimus defectum, cum ex quo munus Ministri Generalis, licet indigne, sustinemus, nulla profusus, nec Provinciae, nec actionum Fratrum, aut Monialium data fuerit notitia, quasi, quod in ista Provincia nulla esset subleccio, nec communicatio cum Ministro Generali, firmiter statumus, quod Superiores, tam Provinciales, quam locales omnium exemplaria Sententiarum mittat ad nos, & occurrente aliquo delicto, aut gravi scandalo de reo, & ejus punitione nos faciat certiores, decernentes omnibus Fratribus licere ad nos, juxta opportunitates recurrere, ita tamen, quod Provincialibus, aliisque Superioribus non praetermittant debita reverentia, & obedientia, ita ut recursum sit juxta praescriptum Constitutionum.

Decimoquarto. Cum maximi sit momenti curae Monialium, & infinita origi possint pericula ex negligentia Superiorum in illarum regimine, pluribusque eorum Monasterii hac Provincia abundet; Provincialibus, Ministris, & aliis ad quos spectat praecipimus, & mandamus, ut in earum Confessariorum deputatione solum Deum praec oculis habeant, virosque expertos optimis moribus ornatos, prudentes, aetatis maturae, & perfectos eligant, qui saluti animarum earundem incumbentes, tanquam Dei Sponsas electas eas excitent ad Cultus Divinos, & suae Regulae, & Constitutionum observantiam. Praecipimus etiam Ministris Provincialibus, aliisque Superioribus sub poena privationis officii, ac perpetuae inhabilitatis ad ipsa & alia obtinenda, ne ipsis, seu alicui ipsarum concedant licentias pernoscandi extra Monasterium, licet votum clausurae non habeant, ita quod aliqua inevitabili exigente necessitate, si exeundi e Monasterio contingat praebere benedictionem, & licentiam, ea semper sit limitata, & cum onere redeundi statim ad Monasterium ante noctem, & ipsi assignetur altera Monialis in Sociam, quae sit matura, & inter omnes prudens, & casu, quo urgeret necessitas ipsarum aliquas dimitendi ad quaestandum, seu emendandum, quod tamen quantum est possibile est impediendum, nulla possit mitti, quae quadragesimum aetatis annum non expleverit. Et ad quamlibet evitandam occasionem ipsis Provincialibus prohibemus, ne ad habitum, & Religionem, seu Monasterium admittant in posterum, nisi tot Moniales, quo potest alere idem Monasterium, & earum sint conditionis, quas Sacri Canones praescribunt, & suam dotem, vel sufficientiam portent ad Monasterium pro earum alimento, & sustentatione, quae methodo omnis cessabit ipsis mendicandi necessitas, & consequenter vagandi. Eisdem etiam Superioribus jubentes, ut debita, qua fas est dexteritate, & prudentia in quantum potest fieri, ad clausuram reducere, &

allicere adhibitis mediis illis, quae juxta temporum, & locorum opportunitates, eis in Dño videbitur, curent; Ipsisque Monialibus fiat notum, quod sub poenis arbitrio Superiorum reservatis, etiam Carceris, saltem per quolibet quindecim dies teneantur confiteri, & Sacra refici Synaxi, eadem die audiendo etiam Sermonem exhortatorium, quem Confessarii eorum volumus ipsis habere. Abbatissae autem, seu Superiorissae, seu Ministræ, aut Magistræ nequeant facere expensas, nec vendere, nec emere, sine assensu Monialium suorum Monasteriorum per secreta suffragia habendo, & tandem inter semetipsas Moniales omnes exerceant mutuam charitatem, concordiam, & pacem, Deo sancte, & perfecte serviendo ab eo aeternam caelestis praemii mercedem habituras. Eisdemque earundem Monialium Abbatissis, Magistris, Ministris, seu Superiorissis praecipimus pariter, ut loca, quae vulgo vocantur Parlatoria sint bene custodita, nec ante Solis ortum, nec post Solis occasum, nec tempore intermedio inter prandium, & Vesperas aperiantur, sed maneant clausa, quod quoque praecipimus earum Confessariis, ut hujus Decreti observantiae omni studio incumbant, nec in eodem loco deputato pro Parlatoriis liceat sub quovis praetextu nec bibere, nec manducare.

Decimoquinto. Omnibus denique Religiosis nostrae curae subjectis iterum Sacrarum Constitutionum Ordinis, & aliarum Sanctionum Sanctae, & Apostolicae Sedis observantiam praecipimus, eosque enixe in Domino rogamus, ut in pace, & concordia Divino incumbant servitio, saeculo sint exemplares, Religioni proficui, S. P. Francisci grati, pro S. R. E., & Fidei Catholicae incremento, Beatiss. Summi Pontificis Innoc. XII. felici conservatione, inter Principes Christianos pace, & concordia, armorum Christianorum felicitate, contra Infideles victoria, totius Sac. Collegii Apostolici, & praecipue Eñorum, & Rmorum Dñorum S. R. E. Cardinalium Chisii Ordinis Protectoris, & de Laurea ejusdem Ordinis splendoris, & Meccenatis, omniumque S. R. E. Praelatorum, & praecipue Illustriss. & Reverendiss. Dom. Nuntii Apostolici salute, & felicitate, ac etiam pro me indigno Sacrae Religionis Ministro Generali devotas Deo preces offerant, in cujus nomine omnes totius cordis visceribus, & sincera dilectione, & amore benedicimus. In fidem &c. Datum in nostro Conventu Lucernensi die, & anno supradictis - Fr. Joseph Maria Minister Gen. - Fr. Julius Foresti de Venetiis Secret., & Assistentis Ord.

S. I. Subinde vero Venerabilis Frater Marcellus Archiepiscopus Athenarum tunc temporis noster, ac Sedis Apostolicae in Dominio Helvetiorum, & Rhaetheorum Nuncius pro Decretorum hujusmodi executione, & observantia suam ediderat Decretum, tenoris sequentis videlicet: Marcellus de Aste, & Apostolicae Sedis gratia Episcopus Athenarum, & SSmi Dñi Nostri Innocen. Divina Providentia PP. XII. ejusdemque Sanctae Sedis ad Helvetios, & Rhaetheos, eorumque Subditos, & confederatos, necnon ad Constantien., Basilien., Curien., Sedunen., & Lausanc. Civitates, & Dioeceses cum facultate Legati de Latere Nuncius &c. Cum Rmūs Pr. Magister Josephus Maria Bortari de Venetiis Minister Generalis totius Ordinis Minorum Conventualium S. Francisci in Visitatione Provinciae Argentinae, & in Capitulo Provinciali Lucernae celebrato retroscripta Decreta, Ordinationes, & Constitutiones fecerit, quae cum nos etiam conformes Sac. Can., & Seraphici Ordinis S. Franc. Constitutionum invenerimus, adeo ut omnes, & singulae ab omnibus ad quos spectat, & in futurum pro

De relatione Religiosorum.

De Monialibus earumque Confessariis.

De executione Constitutionum & quibusdam precibus.

Decretum Nuntii Apostolici pro executione decretorum.

tempore

tempore expectabit, inviolabiliter volumus, ut observentur, eas propterea auctoritate, qua fungimur Apostolica omni meliori modo corroborantes, & confirmantes. In quorum &c. Datum Lucernæ 23. Novembr. 1694. - M. Archiepiscopus Athenarum Nuncius Apostolicus - Jo. Ant. Rufconus Cancellarius &c.

Eadem Decreta confirmata fuere a Cong. Episc. & Reg.

§. 2. Et proinde pro parte dictorum Fratrum prædictæ Congregationi Cardinalium supplicato, ut eadem Decreta, quippe, quæ a quibusdam in controversiam vocari posse dubitabant, similiter confirmaret: dicta Congregatio Cardinalium per suum itidem Decretum die 11. Septembris proxime præteriti emanatum, audito dilecto filio Procuratore Generali Ordinis supra dicti, & attentis narratis, petitam confirmationem Fratribus prædictis benigne concessit.

Preces FF. Provincia.

§. 3. Cum autem sicut iidem Fratres Nobis postmodum exponi fecerunt ipsi præmissa quo firmius subsistant, & serventur exactius Apostolicæ confirmationis nostræ patrocinio communiti summopere desiderent. Nos eorumdem Exponentium votis hac in re quantum cum Domino possumus, favorabiliter annuere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodata existunt ad effectum præsentium dumtaxat consequendum harum ferie absolventes, & absolutas fore censentes, supplicationibus eorum nomine nobis super hoc humiliter porrectis inclinatis, præinserta dicti Ministri Generalis Decreta, a memorata Cardinalium Congregatione, ut præferretur confirmata, necnon pro eorum executione, & observantia emanatum a prædicto Marcello Archiepiscopo, & Nuntio Decretum itidem præinsertum auctoritate Apostolica tenore præsentium approbamus, & confirmamus, illisque inviolabilis Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet intervernerint supplemus.

Confirmatio relatorum Decretorum.

Clausula.

§. 4. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quandocumque spectabit, plenissime suffragari, & ab eis respective inviolabiliter observari: Sicque in præmissis per quoscumque Judices Ordinarios, & Delegatos, etiam causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus Constitutionibus, & Ordinationibus Apostolicis, ac quatenus opus sit Provinciæ, & Ordinis prædictorum, etiam juramento, confirmatione Apostolica, vel quavis firmitate alia roboratis statutis, & consuetudinibus; Privilegiis quoque, Indultis, & Literis Apostolicis in contrarium præmissorum quomodolibet concessis, confirmatis & innovatis. Quibus omnibus, & singulis, illorum tenores præsentibus, pro plene, & sufficienter expressis, ac ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud Sanctam Mariam Majorem sub Annulo Piscatoris die XX. Januarii MDCXCVI. Pontificatus nostri Anno Quinto.

LXVII.

Confirmantur Decreta Prioris Generalis Ordinis Carmelitarum pro Provincia Portugaliæ.

Laudantur hic nonnullæ Constitutiones. Hujus Pontificis Const. ed. 1692. Octob. 11. P. 2. extant Decreta circa studia, & Clem. XI. Const. ed. 1707. Aug. 31. P. 7. agitur de hujus Provinciæ Religiosis Musicis.

INNOCENTIUS PAPA XII.

Ad futuram rei memoriam.

EXponi nobis nuper fecit dilectus filius Joannes Feixoo de Villalobos Prior Generalis Ordinis Fratrum Beatæ Mariæ de Monte Carmelo, quod ipse in Visitatione, quam alias fecit Provinciæ Portugaliæ dicti Ordinis pro conservanda, & augenda in Provincia hujusmodi regulari observantia, de consensu totius Diffinitorii ejusdem Provinciæ nonnulla Decreta edidit tenoris, qui sequitur videlicet:

Dat. 11. Febr. 1696. An. 5.

Inferentia Decreta condita fuere in Congregatione Provincie.

Decreta prædicta.

§. 1. Fr. Joannes Feixoo de Villalobos Sacræ Theologiæ Magister, ac humilis Prior Generalis, & Visitator Apostolicus totius Ordinis Fratrum B. Mariæ Virginis de Monte Carmelo Antiquæ Observantiæ Regularis.

§. 2. Cum ad majorem nostri Ordinis conservationem, & propagationem, bene, sapienterque a majoribus Nostri sancitum sit, quod in singulis Provinciis fiant quolibet anno Congregationes Diffinitoriales, quarum ea præcipua cura sit omnes abusus injuria temporum irrepentes, vel eliminare, vel impedire, etiam opportuno novarum Ordinationum remedio; Hinc in Congregatione Provinciæ nostræ Lusitanicæ a die quinta, usque ad diem nonam Junii Nobis Præsidentibus hoc anno 1694. celebrata, communi omnium sollicitudine, zelo, ac voto pro bono spirituali, ac temporali præfatæ Provinciæ Decreta sequentia condita fuerunt.

De receptione ad habitum, & Professionem.

Primum. Nullus ad Sacrum nostri Instituti habitum, multoque minus ad Professionem in Vicariis Brasiliens., Maragnonens., & Flurii Januarii, nomine Rivus Provinciæ admitti possit, nisi prævio consensu Provincialis, & totius Diffinitorii ejusdem Provinciæ. Alias numquam ejusdem Provinciæ, sed illius Vicariæ Alumnaus dicatur, & sit, in qua Professionem emiserit.

De Novitiatu, Novitiis, & Professis.

Secundum. Quatuor tantum Novitii pro quolibet anno, & pro tota Provincia in posterum admittantur regulariter, ac insuper extraordinarie unus etiam pro quolibet senario numero Religiosorum in dicto anno ex hac vita decedentium: & hoc sub pœna privationis ab Officio, tam Provincialis, quam Priorum, & Clavariorum, si quemlibet alium ultra præscriptum numerum admittent. Si tamen dicto numero completo aliqui ex Regni Magnatibus, aut primariis Nobilibus, alias idoneus habitum Nostri efflagitaverit, tunc Provincialis recurrere possit ad Reverendissimum totius Ordinis Generalem pro dispensatione obtinenda. Pro Domo Novitiatus designantur Conventus Ulyssiponen., & vulgo dictus Cogliares, a quibus Novitii nunquam removeri possint, neque post emissam professionem, nisi prævio examine approbati pro Scholasticis studiis, illico ad Collegia dirigantur. Porro nemo deinceps ad habitum nostrum admittatur, nisi a Vocalibus Cœnobiorum fuerit per secreta suffragia approbatus, postquam per authentica documenta, vel opportunas informationes, aut alias præfatis vocalibus legitime constiterit de recipiendorum legitimis Natalibus, moribus, qualitatibus, aliisque requisitis a Sacro Concilio Trident., Constitutionibus Apostolicis, ac Ordinis, necnon Ordinationibus Reverendissimi Procuratoris Generalis a Sanctissimo Domino Nostro per Literas in forma Brevis confirmatis sub die undecima Octobris anni 1693. Nemo similiter ad professionem admittatur, nisi præter alia de jure, sive com-

muni,